

舜典補亡
尚書古文辨

古文尚書考
尚書逸文



舜
典
補
亡

毛奇齡纂

中華書局

舜典補亡

此據藝海珠塵本
排印初編各叢書
僅有此本

舜典補亡

清 毛奇齡纂

奇齡字大可，初名姓，字初晴，浙江蕭山人，康熙己未博學鴻儒，官翰林院檢討，有西河合集。

舜典者，堯舜二典之一也。尚書有堯舜二典，出伏生壁中，謂之今文。漢太史令司馬談作本紀時，採其文，依次抄入紀中，已百年矣。及漢武天漢之末，有古文尚書出于孔壁，其子遷始就孔安國問學，將採古文，撮入之，而以救李陵得罪下之蠶室。至征和之初，又值巫蠱事發，古文經文僅藏官府，而史遷則祇見書序，不及見古文五十八篇之書，故五帝本紀其所載堯舜二典，皆今文尚書中文，撮其詞而抄襲之。所謂勛易舊文以成一家言者，並非古文。然而今文之節目次第，則顯然在也。其後孔傳行世，相傳亡舜典一篇，實不知何時所亡，而細檢其詞，則舜典尚存半篇。在堯典後，徒以編今文者脫去書序，誤與堯典連篇，謂但有堯典而無舜典，而其在古文則實亡舜典前截，未嘗全亡，而不曉舜典後截在堯典中，以致蕭齊建武間，吳人姚方興得舜典二十八字于大桁市，妄撮之，釐降二女之後，愼徵五典之前，以爲舜典不亡，而不知愼徵五典以後，至放勳殂落，尙是堯典。惟月正元日以後，始是舜典。而世不知也。但今文堯典自當有舜典全篇，在放勳殂落之後，而晉後盛行古文，以爲古文五十八篇原包有今文二十八篇在內，不必單行今文，而于是今文之本，至六季盡亡。考漢晉儒者並不曉堯舜二典，分劃何處，但稱虞書夏書爲虞夏書，以不知何者虞，何者夏也。稱堯典舜典爲堯舜典，以不解誰是堯。

誰是舜也。至宋人劇攻古文。妄謂今文真而古文僞。今文無舜典。誰敢云有舜典者。于是謂月正元日以後盡是堯典。則不通極矣。夫子百篇序。早分堯舜二典。而春秋戰國間諸書引經。凡稱堯典者。祇在慎徽五典以後。放勳殂落以前。如孟子堯典曰二十有八載放勳乃殂落類。而在月正元日後。則並無一語稱堯典者。則此真舜典矣。况史記于古文。祇得百篇序。盡採之本紀世家。而五十八篇之書。並不及一字。其所入者惟今文。而五帝本紀則正載二典之全者。雖史記引掇。皆不用原文。第襲其大略而勳易之。然蹤跡可見。是今文雖亡。而史記本紀則正今文之可據者。今較史記二帝紀。則自曰若稽古帝堯起。至放勳乃殂落止。是堯紀。即是堯典。自月正元日起。至舜生三十徵庸止。是舜紀。即是舜典。而月正元日以前。則尚有舜典半截在帝舜紀中。因即取帝舜紀文。在月正元日以前者。補舜典之亡。雖其詞與本經不同。皆勳易抄變。並非舊典。然大概可睹也。向思旁搜五帝遺載。散見諸稗官者。以實其說。而事涉不經。其文不雅馴。因盡刪去。仍祇存帝紀所有。及原註所并及者。分列之以載于篇。

舜典

虞舜

名曰重華

此下皆史記
帝舜紀文

重華父曰瞽叟。瞽叟父曰橋牛。橋牛父曰句望。句望父曰敬康。敬康父曰窮蟬。窮蟬父曰帝顓頊。顓頊父曰昌意。以至于舜七世矣。自窮蟬以至帝舜。皆微爲庶人。

舜父瞽叟盲而舜母死。瞽叟更娶妻而生象。象傲。瞽叟愛後妻子。常欲殺舜。舜避逃。及有小過。則受罪。順

事父及後母與弟日以篤謹。匪有懈。
舜、冀州之人也。

舜耕歷山。漁雷澤。陶河濱。作什器於壽丘。就時於負夏。

尚書大傳。販于頓丘。就時負夏。

孟子。遷於負夏。就時者。遷時。言赴候以營利也。然則舜又行估販矣。

舜父瞽叟。頑。母嚚。弟象。傲。皆欲殺舜。舜順適不失子道。兄弟孝慈。欲殺不可得。卽求嘗在側。此與前復出也。一也。以採掘非

舜年二十。以孝聞。三十而帝堯問可用者。四岳咸薦虞舜曰可。於是堯乃以二女妻舜。以觀其內。使九男

與處以觀其外。此與堯典似同而實異者。後試舜五典百官節亦如之。

孟子。堯之於舜也。使其子九男。事之。二女女焉。

親戚。謂父瞽叟。後母弟象妹嚚手等也。

甚有婦道。堯九男皆益篤。

舜耕歷山。歷山之人皆讓畔。漁雷澤。雷澤上人皆讓居。陶河濱。河濱器皆不苦窳。一年而所居成聚。二年

成邑。三年成都。孟子。象稱舜都君以此。堯乃賜舜絺衣與琴。爲築倉廩。子牛羊。

孟子。百官牛羊倉廩備。以事舜於畎畝之中。

瞽叟尙復欲殺之。使舜上塗廩。瞽叟從下縱火焚廩。舜乃以兩笠自扞而下。去得不死。

孟子使舜完廩。捐階。瞽叟焚廩。通史。瞽叟使舜滌廩。舜告堯二女。二女曰。時其焚汝。鵲汝衣裳。鳥工

往舜既登廩得免去也。

後替叟又使舜穿井舜穿井爲匿空旁出謂旁先發一可匿而出去之空也舜既入深替叟與象共下土實井舜從匿空出去

孟子使浚井出從而掩之通史舜穿井又告二女二女曰去汝裳衣龍工往舜入井替叟與象下土

實舜從他井出去也。

替叟象喜以舜爲已死象曰本謀者象象與其父母分於是曰舜妻堯二女與琴象取之牛羊倉廩與父

母象乃止舜宮居鼓其琴舜往見之象懼不懌曰我思舜正鬱陶舜曰然爾其庶矣庶幾友舜復事替叟

愛弟彌謹。

孟子象曰謨蓋都君咸我績牛羊父母倉廩父母干戈朕琴朕張朕二嫂使治朕棲象往入舜宮舜在

牀琴象曰鬱陶思君爾惟怵舜曰惟茲臣庶汝其于予治孟子文作節似原經文

於是堯乃試舜五典百官皆治自此至烈風雷雨不迷皆重敘舜歷試諸難之事與堯典文大同小異在舊舜典文原自有此故伏生之謬合爲一與堯齊二十八字之誤冠堯典皆此故也此但提

慎微五典句而百
撰四門以次見後。

昔高陽氏有才子八人世得其利謂之八愷省闕案四字原脫今補高辛氏有才子八人世謂之八元此十六族者

世濟其美不隕其名至于堯堯未能舉舜舉八愷使主后士以揆百事莫不時序舉八元使布五教于四

方父義母慈兄弟恭子孝內平外成自昔高陽氏後至此全襲左傳季文子使史克對宣公文以解納于百揆百揆時序句此解經非經文也後做此昔帝鴻氏有不

才子掩義隱賊好行凶慝天下謂之渾沌少皞氏有不才子毀信惡忠崇飾惡言天下謂之窮奇顓頊氏

有不才子。不可教訓。不知話言。天下謂之樛杌。此三族世愛之。至于堯。堯未能去。結雲氏有不才子。貪于飲食。冒于貨賄。天下謂之饕餮。天下惡之。比之三凶。舜賓于四門。乃流四凶族。遷于四裔。以御魑魅。於是四門辟。言毋凶人也。自昔帝鴻氏至此。亦全襲左傳文。以解賓于四門四門穆穆句。

左傳。堯崩而天下如一心戴舜。以爲天子。以其舉十六相。去四凶也。故虞書數舜之功曰。慎徽五典。五典克從。無違教也。曰。納于百揆。百揆時序。無廢事也。曰。賓于四門。四門穆穆。無凶人也。

舜入于大麓。烈風雷雨不迷。此二句直與堯典同。

堯乃知舜之足授天下。堯老。使舜攝行天子政。巡狩。舜得舉用事二十年。而堯使攝政。攝政八年。而堯崩。三年喪畢。讓丹朱。天下歸舜。

孟子。堯老而舜攝也。堯崩。三年之喪畢。舜避堯之子于南河之南。天下諸侯朝覲者。不之堯之子而之舜。訟獄者。不之堯之子而之舜。謳歌者。不謳歌堯之子而謳歌舜。

而禹、皋陶、契、后稷、伯夷、夔、龍、益、彭祖。自堯時而皆舉用。未有分職。綜數語。起下二十二人之命。此亦史文。非經文。

月正元日。舜格于文祖。此下皆舜典原文。而以史記文證之。

於是舜乃至於文祖。此下皆史記文。後倣此。

詢于四岳。闢四門。明四目。達四聰。

謀于四岳。辟四門。明通四方耳目。

咨十有二牧曰。食哉惟時。柔遠能邇。惇德允元。而難任人。蠻夷率服。

命十二牧。諭帝德。行厚德。遠佞人。則蠻夷率服。

舜曰。咨四岳。有能奮庸熙帝之載。使宅百揆。亮采惠疇。兪曰。伯禹作司空。帝曰。兪。咨禹。汝平水土。惟時懋哉。禹拜稽首。讓于稷契暨皋陶。帝曰。兪。汝往哉。

舜謂四嶽曰。有能奮庸美堯之事者。使居官相事。皆曰。伯禹爲司空。可美帝功。舜曰。然。嗟。禹。汝平水土。維是勉哉。禹拜稽首。讓於稷契與皋陶。舜曰。然。往矣。

帝曰。棄黎民阻饑。汝后稷。播時百穀。帝曰。契。百姓不親。五品不遜。汝作司徒。敬敷五教。在寬。帝曰。皋陶。蠻夷猾夏。寇賊姦宄。汝作士。五刑有服。五服三就。五流有宅。五宅三居。惟明克允。

舜曰。棄黎民始饑。

今文作祖饑。故抄作始。

汝后稷。播時百穀。舜曰。契。百姓不親。五品不馴。汝爲司徒。而敬敷五教。在寬。舜曰。皋陶。蠻夷猾夏。寇賊姦軌。汝作士。五刑有服。五服三就。五流有度。五度三居。惟明能信。

帝曰。疇若予工。兪曰。垂哉。帝曰。兪。咨垂。汝共工。垂拜稽首。讓于艾斯暨伯與。帝曰。兪。往哉。汝諸

舜曰。誰能馴予工。皆曰。垂可。於是垂爲共工。

帝曰。疇若予上下草木鳥獸。兪曰。益哉。帝曰。兪。咨益。汝作朕虞。益拜稽首。讓于朱虎熊羆。帝曰。兪。往哉。汝諸

舜曰。誰能馴予上下草木鳥獸。皆曰。益可。於是以益爲朕虞。益拜稽首。讓于諸臣朱虎熊羆。舜曰。往矣。

汝諧遂以朱虎熊羆爲佐。朕談官名

帝曰咨四岳有能典朕三禮。兪曰伯夷。帝曰兪咨伯汝作秩宗。夙夜惟寅直哉惟清。伯拜稽首讓于夔龍。帝曰兪往欽哉。帝曰夔命汝典樂教胥子。直而溫寬而栗剛而無虐簡而無傲。詩言志歌永言聲依永律和聲八音克諧無相奪倫神人以和。

舜曰嗟四嶽有能典朕三禮。皆曰伯夷可。舜曰嗟伯夷以汝爲秩宗夙夜惟敬直哉維靜潔。伯夷讓夔龍。舜曰然以夔爲典樂教胥子。直而溫寬而栗剛而無虐簡而無傲。詩言志歌長言聲依永律和聲八音能諧毋相奪倫神人以和。典樂亦官名

夔曰於予擊石拊石百獸率舞。

夔曰於予擊石拊石百獸率舞。

宋蔡沈作尙書集傳。謂此十二字衍文。係益稷謨脫簡于此者。今史記有此文。至益稷謨則採入夏本紀中。以大禹皋陶益稷三謨爲夏書。然仍有鳳皇來儀百獸率舞諸文。此係兩出。非複出也。劉向校尙書。其脫簡者。祇酒誥召誥二篇。他無脫簡。見藝文志。

帝曰龍朕詔說殄行。震驚朕師。命汝作納言。夙夜出納朕命惟允。

舜曰龍朕畏忌說殄僞。振驚朕衆。命汝爲納言。夙夜出納朕命惟信。

帝曰咨汝二十有二人。欽哉。惟時亮天功。

舜曰嗟汝二十有二人。敬哉。惟時相之。

三載考績。三考黜陟幽明。庶績咸熙。分北三苗。

三歲一考功。三考黜陟遠近。衆功咸異。分北三苗。咸異。卽咸熙也。後世考功法有尤異本此。

此二十二人咸成厥功。皐陶爲大理。平民各伏。得其實。伯夷主禮。上下咸讓。垂主工師。百工致功。益主虞。山澤辟。棄主稷。百穀時茂。契主司徒。百姓親和。龍主賓客。遠人至。十二牧行而九州莫敢辟違。唯禹之功爲大。披九山。通九澤。決九河。定九州。各以其職來貢。不失厥宜。方五千里。至于荒服。南撫交趾。北發西戎。析枝渠度。氐羌北。山戎發。息慎。東。長鳥夷。四海之內。咸戴帝舜之功。於是禹乃興九招之樂。樂係禹所作。故大禹陳謨有九功惟敘。九敘惟歌語。楚詞天問亦云。啓棘資商。九功九歌。啓者。禹子也。致異物。鳳皇來翔。天下明德。皆自虞帝始。此一段史文。非經文也。

舜生三十。徵庸。三十在位。五十載。陟方乃死。

舜年二十以孝聞。年三十堯舉之。年五十攝行天子事。年五十八堯崩。年六十一代堯踐帝位。踐帝位三十九年。南巡狩。崩于蒼梧之野。葬于江南九疑。是爲零陵。

陟方。陟于方岳。言巡狩也。禮記。舜葬于蒼梧之野。蓋三妃未之從也。傳曰。舜葬蒼梧。象爲之耕。此有明證者。宋人襲韓愈說。謂陟方卽升遐。言死也。則乃死二字贅矣。又或以陟字訓死。方乃死爲陟字之註。尤屬無理。舜之踐帝位。載天子旗。往朝父瞽叟。夔變惟謹。如子道。封弟象爲諸侯。舜子商均亦不肖。舜乃豫薦禹于天。十七年而崩。三年喪畢。禹亦乃讓舜子。如舜讓堯子。諸侯歸之。然後禹踐天子位。堯子丹朱。舜子商均。皆有疆土。以奉先祀。服其服。禮樂如之。以客見天子。天子弗臣。示不敢專也。此簡史文。

